

光緒撫寧縣志

縣志序

撫志自康熙二十一年

趙公踵而修之已一百九十
餘年矣當時臨撫未分所載
山川人物今昔攸殊乾隆二
年改山海衛添設臨榆縣東
至淪水南至戴家河北至背
牛嶺畫疆而治而一切紀載

仍其舊而不亟爲釐訂焉可
乎哉光緒二年奉檄纂修
於是招集諸生廣爲採訪屬
樊君文心草創編次特敦延
樂亭史君香崖秉筆總纂未
期年而稿定夫荒墩古壘未
得與老兵賸卒訪求遺蹟鄉
閭獨行又未能與搢紳先生

發其遺書年湮代遠欲蒐羅
二百載之事鉅細無遺蓋亦
甚難矣然而風俗之盛衰人
文之顯晦陵谷之變遷按籍
而稽已瞭如指掌撫城地當
四達郵政之要供億之煩

鑒輿東幸在所必經貢使齎書不
絕於道寔

南京之鎖鑰也入臺營登箭竿嶺
青山界嶺長城如帶羣山糾
紛眞所謂天險可以見古人
行兵置戍之意焉問物產則
桑麻遍野昔之砂礫不毛之
區漸成沃壤問文物則絃歌
萬戶昔之山陬僻處今皆秉
耒而讀詩書官無論久暫有

功者貴士無論貴賤薰德者
良至於聞義之匹夫死綏之
壯士攀樹之孤兒斷機之賢
婦此

國家重熙累洽人道化成以有此
也若夫殘碑斷碣羽客緇流
騷士品題幽人高蹈雖無關
於政事亦千古考鏡之資也

余學術荒蕪謬膺重舉特恐
此邦文獻埋沒於荒煙蔓草
間正復不少如我趙公之流
風遺愛鴻篇鉅製名傳後世
其相去爲何如哉是所望於
後之君子補其漏而釐正之
則幸甚

光緒三年歲次丁丑五月下

浣知撫甯縣事錢塘張上龢
撰

撫甯縣志

修輯姓氏

鑒定

陸授朝議大夫直隸永平府知府游智開

湖南新化人
辛亥舉人

纂修

欽加同知銜調署永平府撫甯縣知縣張上蘇

浙江錢塘
人附廩生

欽加同知銜

國史館議敘知縣史夢蘭

樂亭縣人
庚子舉人

協修

撫甯縣教諭

楊呈華

武邑縣人
戊午舉人

撫甯縣訓導

曾松

豐潤縣人
甲辰舉人

歲貢生候選訓導樊懿邑人

分校

前署榆關驛丞施廷柱浙江山陰人

五品銜現任榆關驛丞王世興浙江山陰人寄籍奉天

前署撫甯縣典史萬秉銓江西南城人

現任撫甯縣典史李金第安徽含山人

參校

壬戌科進士即用知縣國子監監丞王兆柏邑人

增貢生候選通判王立柱邑人

廩貢生候選訓導王致徵邑人

歲貢生候選訓導張近光

邑人

採訪

邑舉人侯永芳

邑貢生馬廷輔

邑廩生蕭錫庚

邑廩貢生李春圖

邑附貢生楊蘇林

邑廩生王景顏

邑附生任寅亨

邑附生張鳳儀

邑附生 韓大成

邑廩生 楊蔭輝

邑附生 韓遇春

邑附生 張祖培

邑廩生 徐鼎勛

邑廩生 單崇慶

邑附生 金寶莊

邑貢生 張恩培

邑附生 楊元璞

邑廩生 黃際春

邑 虞 生 彭瑞雲

邑 貢 生 張宏文

邑 附 生 王恩波

邑 附 生 魏寶善

邑 附 生 袁益

邑 附 生 陳鳳文

邑 附 生 劉名高

撫甯縣志凡例

一永平府志分圖表志傳景定建康志例也茲總謂之志
其人物志卽傳也而表則缺焉蓋撫邑幅隕未廣文殘
獻闕不能如府志之詳

一臨撫未分以前統歸一縣今既分疆而理凡山川人物
在臨榆境者悉刪之

一舊志首天文曰星野曰災祥此後世史家所見譏於劉
知幾者況邑乘乎茲增立前事一門編年紀載卽以災
祥間敘其間亦大事必書之義也星野既載府志中縣
可從省

一邑志例有八景半屬湊合靈壽志刪之後世每奉爲圭
臬茲謹遵其例凡藝文志內之詩文碑記與一切留連
光景之作悉分附於山川祠宇之下省去藝文一門
一舊志藝文有王長史魯僉事各傳與人物名宦志殊嫌
複沓茲皆併而一之以省紛煩

一舊志有禮典一門乃天下所通行郡縣別無異同茲撮
其要附註於各事之下而此門從刪

一人物當以史傳爲首因明史止有翟尙書一傳不便另
分故仍用舊傳而以明史列傳附於其後宋玉叔觀察
王和陽傳亦仿此例

一元魏寶瑗魏書稱其爲遼西遼陽人北史則稱爲遼西
陽洛人陽洛卽陽樂其人本當收入然今之撫甯有漢
陽樂縣地而漢陽樂縣地終難概以今之撫甯也今府
志已載故縣志從省至魏書遼陽之誤其辨已見府志
中

一明季撫甯衛裁併山海衛撫甯衛人皆爲山海衛人矣
楊忠愍公籍山海而其祖居實在撫城故收爲縣人

一舊志修於康熙壬戌趙侯端去譚劉二侯之修甫數載
增補採訪自易爲力今閱年將二百矣文獻無徵其難
豈啻數倍邑明經樊君文心因前志所載益以已所見

間采訪編次兼任其勞一年而各門略備茲雖稍有更
定然大半本於樊稿至管見所及間事辨析亦惟實事
求是而已不敢隨聲亦不欲掠美也

樂亭史夢蘭謹識

舊志姓氏

文林郎知撫甯縣事楚上鶴譚琳

修

文林郎知撫甯縣事楚復州劉馨

文林郎知撫甯縣事加二級錢塘趙端

重修

儒學教諭上谷辛進修

潞河胡文蔚

典史會稽王震芳

邑人原任長山縣知縣馮隆運

原任蕭山縣知縣鄒勳

莊浪縣知縣王簡

原任鉅野縣知縣馮永潸全叅訂

貢生徐廷瓚

魯大治

王運恆

楊時盛

郭永昌全纂輯

廩生郝存性

傅汝翼

高萬錦

任運泰

王基命全校正

撫甯縣志

目錄

卷首

序

圖

卷一

封域

山川

卷二

古蹟

邱墓附

卷三

風俗

物產

前事

卷四

城池
留養局漏澤園義塚水窖惠民藥局附

公署

卷五

學校
書院義學名宦鄉賢祠附

卷六

壇廟 寺觀附

卷七

關堡 津梁附

驛站 墩撥公館附

卷八

戶口 村堡里甲集鎮附

卷九

賦役

倉儲

鹽課

卷十

職官

卷十一

選舉

捐納行伍封廕附

卷十二

名宦

卷十三

鄉型上

卷十四

鄉型下

流寓

仙釋

卷十五

列女

卷十六

志餘

舊序

我

國家自三韓創業奄有海內大關首郡卽屬平州故盧龍
列邑不特爲

神京左臂實亦豐沛咽喉之地也至若阻海負山重門百
二則撫甯一邑尤稱形勝焉第四封之內巖谷居半其
地磽以瘠東西洞達輪蹄絡繹其境衝以疲民旗雜處
其俗龐而政煩非有過人之才且賢者未易任也庚申
秋予友趙君又呂令是邑其明年以所修邑乘藁見貽
且乞弁言余曰嘻趙君之才且賢殆加人一等矣夫古

人嘗有圖若宴客而決其能辨賊與事無成者蓋人必
挾持有素然後應於外者常從容而有餘不然者反是
今君蒞瘠邑處衝途理不一之民其爲執掌也甚矣而
沛然游刃焉不期月卽邑乘是問不才而能然歟邑乘
之有無事不係乎殿最况前之人已旣爲之卽其間瑕
瑜詳畧稍待焉可也而君亟亟然爲之唯恐後然則君
之修廢舉陞不以報大而姑有所諉者槩可知已不賢
而能然歟邑之有志凡一切象緯山川民物廢興之蹟
俱於是乎載故鏡乎史則不下堂階而治亂興亡之故
若燭照數計而龜卜鏡乎志則雖出甌粵之士以理燕

代而因俗制宜不異聚家人父子而整齊之君而知重
乎此吾知仰而觀俯而察上下今昔而損益變通之以
得其平驪城之父老子弟其有豸乎顧以備職官寮恆
鹿鹿未暇搦管以報壬戌春適余有廣甯之

使歷其境田疇闢橋梁治村無追呼之胥巷多絃誦之聲
時正值

大駕東巡君供頓周置不少悞而自東西徃復君以其暇
尙能攜酒命駕與余嘯歌山澤而無厭色余于是信君
之果才且賢而驪城士庶之有瘳也昔杜少陵和元道
州春陵行詩思得結輩十數公落落然參錯天下爲邦

伯萬物吐氣今宇內干戈甫息瘡痍者未起余於君亦
且有元道州之想焉恨無能效春陵行以從少陵後姑
爲述所以知君者之不爽如此題之志端卽以爲弁言
可也時康熙壬戌之春

日講官起居注加禮部侍郎詹事府詹事兼翰林院侍讀
學士加一級華亭沈荃拜題

撫甯嚴邑也在勝國時爲極邊首邑兵馬雲屯


國家定鼎則又爲兩京關鑰冠蓋絡繹雖安危迥異而其
爲衝且煩一也故言是邑者多憚爲之庚申夏余再補
令而得是邑至之日卽取邑乘而攷其所載其境阻海

負山東控天險南距溟渤三十里而近氣候早寒凜冽
倍燕代其北崇山蜿蜒屏隔大荒秦城亘焉嶄然使人
畏其地磽以瘠薇蕨之外罕他產其民質直而勤耕讀
而漁釣予曰嘻是固墨胎兩公子所讓之國也其風氣
似之矣既數月巡行四境按其山川風俗物產事宜較
之乘所載無或爽者予因以嘆邑之有志其關於政教
者非輕而前任譚劉二君修葺之功爲甚大也孟子云
聞伯夷之風者頑夫廉懦夫有立志奮乎百世之上百
世之下聞者莫不興起而況於親炙之者乎今予不特
聞其風而復身歷其國都踐其土食其毛而周覽其雲

物卽與親炙者何以異是雖頑且懦者猶將興起而廉以立而況未至於頑且懦者乎而凡後之宰是邑覽是志者能無勉乎然則雖衝且煩亦奚憚焉惟是修纂之事大都不出一手故或彼此錯雜或詳畧失宜者徃徃有之因思數載來戶口旣已重編制度不無因革舊乘所載今昔多殊不因時修輯何以示信爰與舊修志明經王子貞一輩商確焉而重付諸梓或有以好事詰予者予曰不然夫鄭小國也爲命恆事也然草創之後繼以討論修飾之餘濟以潤色必兼數子之所長而後鮮敗事今撫雖孱其四履當不下于鄭志之成也統之郡

上之太史垂之千百世爲政教之所自出其爲重於爲
命遠矣前之乘待譚劉二君而後修安知二君所修者
不待予而益彰乎重視邑固不得輕視乘此予亟以修
之之志也客曰然因筆而敘之以俟後之繼予而補其
所未逮者焉康熙壬戌仲秋文林郎知撫甯縣事加二
級錢唐趙端撰


撫甯縣境全圖




口外縣志圖






縣城圖







縣治圖







文廟學宮圖
























松開鎮圖







深河城圖











界額口圖





口外雙山鎮圖





撫甯縣志卷一

封域

周官經野禹迹盡州雖聖王不以域民而列侯允宜
守土顧自嬴秦置郡已素星分重以馬晉失綱浸多
雲擾關河猶壯攷往蹟者鴻爪空迷井里新移詢遺
疆者犬牙莫辨撫甯地近邊陲俗成材武控弦負弩
不少丁男馳檄飛書遑求亥步然而屬注水經多詳
北土唐防渝塞會紀東征茲當中外一家固無分此
疆爾界斯旣提封百里亦宜思辨土問風志封域

陶唐屬冀州虞屬營州夏省營州仍屬冀州商爲孤竹

國周屬幽州春秋戰國屬燕秦置右北平郡漢爲驪成縣毗連陽樂縣界魏晉之際或爲臨渝或爲盧龍隋唐併入盧龍武德二年始置撫甯縣七年仍省入盧龍天寶以後爲藩鎮所據五代契丹取平州屬之後唐莊宗敗契丹復平州及周德威爲盧龍節度使恃勇不設備遂失渝關之險遼以其地爲新安鎮金大定末改陞撫甯縣元隸永平路至元二年省撫甯入昌黎三年復置四年又省入昌黎七年復置撫甯省昌黎海山入焉明初爲魏國公徐達采邑洪武十三年徙治縣西北兔耳山東案今地勢西北當作西南永樂三年於故縣治置衛成化三年

縣仍復舊於衛東立縣合爲一城

國朝因之順治二年省撫甯衛入山海衛乾隆二年割縣

之東境分置臨榆縣

右沿革

東至深河堡四十里接臨榆縣界西至雙望堡三十五里接盧龍界南至馬家峪二十五里接昌黎界北至界嶺口關七十里自界嶺口關外至城根一百三十里接蒙古界東南至戴家河口大海四十里河東爲臨榆界西北至燕河營五十里接盧龍界西南至兩縣店五十里接昌黎界東北至碼礮嶺六十里接臨榆界東西廣七十五里南北袤二百二十五里至京六百里省九

百六十里府城七十里遷安縣一百二十里昌黎縣四十里灤州一百三十里樂亭縣一百二十里臨榆縣一

百里

右疆界

附陽樂驪城考

邑人樊懿

陽樂秦始皇二十二年置隸遼西郡歷前後漢晉北魏未改魏氏土地記曰海陽城西南有陽樂城陽樂水出陽樂縣西南入於沮水又西南小沮水注之海陽唐改爲馬城縣金改爲海山縣而陽樂之跡遂湮府志謂在今永郡東南十五里縣志謂卽西關外廢城爲陽樂縣址馬瑟臣泥海陽改馬城海山之文疑

陽樂當在今豐潤灤州開平交界間驪成廢縣漢置
隸右北平郡後漢省畿輔舊志謂在樂亭縣輿地廣
記則謂碣石今石城縣故驪城也諸說各殊幾難徵
信竊意郡縣遞更山川不改古今雖異名亦可以參
考遼史遷州興善軍下刺史本漢陽樂縣地潤州海
陽軍下縣一曰海濱注曰本漢陽樂縣地北蕃地里
書潤州在盧龍塞東北西至榆關四十里南至海三
十里遷州在臨榆關東五十里西至潤州四十里南
至海二十里古淪關卽今縣境東二十里之榆關明
一統志魏國公徐達始徙而東之去舊關六十里據

此則遷州當卽山海關元史所稱遷民鎮海濱縣卽
臨榆縣西四十里海洋城金世宗大定元年冬幸中
都十二月甲辰次海濱縣海濱旣隸海陽軍則土地
記之海陽城唐改馬城金改海山者自是遼史陽州
平海軍海陽縣地在今灤河西潤州海陽軍何由越
灤而治之況東至遷州四十里猶是陽樂縣地所云
陽樂在海陽西南定指潤州海陽軍言之不宜牽入
石城海山之海陽明矣撫甯舊有海洋社今分爲海
上海下二社洋陽古字通用陽樂水今亦名洋水出
塞外由塞子嶺入逕臺營城南有西洋河自西南

雕崖來會之疑卽沮水也南流至石河莊有松流河
注之疑卽小沮水也其上流曰飲馬河相傳陽樂家
飲馬處又南逕今縣城折而東渡西岸五里陽樂墓
在焉若在豐潤灤州開平交界間墓安得葬此至大
小沮水皆在肥如縣肥如爲今盧龍冒黎境故陽樂
水可合沮水若馬城之海陽西南有陽樂豈有沮水
注合歟歷證古今臺頭營城實卽陽樂縣址鄭道元
言驪城枕海有石如甬道數十里當山頂有大石如
柱形韋昭以爲碣石驪城爲今之撫甯與漢置驪成
在樂亭者又非一地今縣東門額刻古驪昔人必非

無據則西關土城之卽爲驪城而非陽樂舊址不待

辨矣詳述之以俟博雅君子

案水經注引魏土地記曰海陽城西南有陽樂城若就唐改馬城金改海山之海陽而論西南自無陽樂遺蹟辨之誠是矣然遂以遼史潤州海陽軍當之鄭係魏人書係魏志與遼相距尙數百年所云海陽當非遼之海陽也至於撫甯在古爲陽樂爲驪城之說大清一統志表及洪稚存乾隆府廳州縣圖志皆謂撫甯在漢爲陽樂縣廣輿記及讀史方輿紀要皆謂在漢爲驪城縣舊府志謂在漢爲臨渝縣漢之驪城原作驪成下注云大碣石山在縣西南碣石卽碣石也今昌黎城北之碣石恰在縣之西南縣西一里有陽水南五里相傳有陽樂侯墓晉以後臨渝又省入陽樂則謂此地爲陽樂爲驪城俱不爲無據但陽樂侯今已無考驪城下又無渝水今渝河在縣東二十里漢書臨渝下有渝水則縣之在漢又似以舊志臨渝爲確總之世代云遙陵谷不無遷變以數千百年以後之人考數千百年以前之地而所據之書又不

無魚魯亥禾晨轉沿調若必欲字字指實處處吻合亦難矣此地在漢晉之時大約不出陽樂驪城臨渝三縣之地驪城之名止見於漢書至東漢已無舊說以樂亭爲驪城此承禹貢錐指之謬樂亭西南平原千里毫無山跡安得有大揭石山在其西南乎至遼史熙州所統之海陽縣當在今甯遼州之西南境亦不得越

濼而西

陽樂驪城考

邑人王立柱

西漢志於驪成言揭石山桑縣言碣石水東漢志於

臨渝言碣石山言繩水

繩水或卽碣石水

而無驪成桑二縣

知已併入臨渝矣

文類注漢書武紀曰桑縣今罷屬臨渝類字叔良東漢末人

東

漢志遼西郡領縣五曰陽樂海陽令支肥如臨渝而魏書地形志有其三而無令支臨渝則已分令支之

北半臨渝之西半併入肥如

兩漢志於令支言孤竹城魏志於肥如言孤竹

山祠言令支城謂令支故縣城也是令支之北半入肥如矣東漢於臨渝言碣石魏志於肥如言碣石是

臨渝之西半併入肥如也

而令支之南半臨渝之東半則併入陽

樂

魏志陽樂下云併令支合資屬焉合資非縣名乃令支界內之地名也是令支有併入之地矣又云

有覆舟山林榆山按五代史幽州北七百里有渝關

東臨海北有兔耳山覆舟山今兔耳山在撫甯縣城

西十二里則覆舟山亦必去兔耳山不遠又按漢志

於臨渝言渝水通鑑云渝關下有渝水通海遼志云

臨榆山峯巒嵒起高千餘仞下臨榆河是渝水不離

臨渝山渝關而皆去兔耳山覆舟山不遠魏志林榆

山覆舟山皆於陽樂言之是漢

惟海陽則仍爲漢縣

臨渝之東半全併入陽樂矣

而未有移併

酈道元北魏人也其注水經於海陽界內如龍鮮水封大水緩虛水一一皆與

班志

前漢志濡水南入海陽水經注濡水又東南過

海陽縣西南入於海

師古曰濤音乃官切禹貢錐指曰卽今濤河

是知離

濤水以求海陽必無是處水經注引魏土地記曰合

支城南六十里有海陽城又曰海陽城西南有陽樂

城則知離合支以求海陽離海陽以求陽樂亦必無

是處也夫漢之合支爲今之遷安縣古今無異辭也

然則自今遷安而南以得古海陽由古海陽而西南

可以得陽樂乎曰未也陽樂必不得越今之濤河而

西水經注陽樂水出陽樂縣

畿輔通志謂卽今之白溝河在盧龍縣東十五

里源出陽山繞城東北西流入青龍河

又西南入於沮水

畿輔志謂卽青龍河夫

陽樂界內所出之水尙西流入青龍河又合諸水西

南流以入灤河

即古濡水

陽樂之地雖寬必不能跨濡水

東西之兩境是知灤河以東還安之南樂亭之北必

爲陽樂城之所在方輿紀要繫陽樂於灤州馬城廢

縣之下雖近之而未是也

遼徙石城於灤州南是遼之新石城已非陽樂地方

輿紀要以故石城地攬入之因致此誤

然此晉以後之陽樂而非漢之

陽樂也陽樂在東漢爲遼西郡治趙苞傳苞爲遼西

太守遣使自甘陵迎其母妻垂當到郡道經柳城

李賢

注柳城縣屬遼西郡故城在今營州南通典營州柳城郡西至北平郡七百里南至海二百里

值鮮

卑入塞爲所劫質苞垂到陽樂而道經柳城則漢之

陽樂距柳城甚近

柳城據京東考古錄輿地韻編諸書皆謂在明大甯廢衛今喀喇沁

右翼而距北魏舊水經注所言之陽樂甚遠然則以

何時而移入臨渝乎則或者以遼西郡在東晉爲段

氏所據時

北史段務目座據遼西之地而臣於晉穆帝時幽州刺史王浚表爲遼西公假大單

于即殺十六國春秋段氏自務目座以陽樂爲慕容來日益強大其境西接漁陽東至遼水

庖所取

十六國春秋庖遣慕容翰攻段疾陸眷取徒河新城至陽樂引兵而還翰因留鎮徒河又

陽鶯傳鶯父耽爲遼西太守慕容翰攻段氏於陽樂破而獲之而遂移治於南境如

唐之營州爲契丹所陷而僞治漁陽之類北魏遂因

而不改與

方輿紀要云魏併陽樂入徒河改置縣於遼西郡之西境未知何本亦可存備一說

至隋唐遂無陽樂之名唐志北平郡領縣三

與魏志合盧

龍注云本肥如馬城注云古海陽至石城則正是陽

樂故縣地

據本注西南有碣石山東北有臨渝關正合漢臨渝魏併入陽樂之故地

注不

云本陽樂者蓋隋末曾於其地置臨渝

據畿輔通志

而唐

仍之也注又曰武德七年省謂省臨渝入盧龍也貞

觀十五年復置謂復置臨渝也萬歲通天二年更名

謂更臨渝之名爲石城也

遼志石城下云唐貞觀中於此置臨渝縣萬歲通天

元年改石城縣正可與唐志互證

乃其下又云在灤州南三十里夫碣石山臨渝關灤州之南豈有是與

不問而知其誤矣

按遼太祖分唐平州之東南置

灤州統縣三本皆唐

馬城石城之故地乃遼引黃洛

古城其誤一矣義豐縣

本析唐馬城所置也亦云黃

洛古城與灤州同然可藉証

義豐爲灤州之附郭本

非二地不過築城之地

爲黃洛耳而志未明言其誤

二矣至於馬城卽唐之

馬城本屬北平郡遼但於其

西南析置義豐縣而

以其餘地仍名馬城改隸灤州

耳未嘗有所移置也

乃全錄唐志之文而加以錯謬

唐志馬城古海陽開元二十八年置謂置馬城於古海陽也志乃云馬城本盧龍縣地開元二十八年析置引唐志之文而與唐志不合其誤三矣石城卽唐之石城亦本隸右北平郡今旣新立灤州遂與馬城同改隸之耳志乃云石城縣漢置屬右北平郡久廢夫石城之名固始於漢然漢石城去唐石城相距不下千餘里何故牽引之乎其誤四矣至所云臨渝山高千餘仞下臨渝河正可爲遼石城卽唐石城北魏陽樂東漢臨渝之確証乃不係於石城而係灤州條下蓋因遼徙石城於南以就鹽官之後石城故地又置遷潤二州修志者求故石城地而不得遂將其境內所有之山水移而併入於新石城內而新石城又實無此山水遂不得不係於灤州條下爲廣絡原野之計夫灤州自初立至今未有移動也渝山渝河果何在乎其誤五矣至灤州條下云漢爲石城縣後名海陽縣漢志石城海陽分屬右北平遼西二郡志乃併爲一地二名其誤六矣有此六誤遂令讀者茫然如墮雲霧中其餘謂平灤二州漢末爲公孫度所有謂營平二州爲石晉所獻見駁唐旣改陽樂爲石城於顯亭林錢曉徵者茲不暇論

遼太祖時改隸灤州聖宗時於其地置海陽縣潤州

海陽軍下

金史地理志爲海陽縣遼志爲海陽縣錢曉微曰金史爲長今從之

遷民縣

遷州興善軍下或者遼旣徙石城於灤州南以就鹽

官乃以其所遺之地置此二縣以處歸甯二州遷來

之民戶與

遼志遷潤二州皆云本漢陽樂縣地按當云本漢臨渝北魏陽樂唐石城縣地

大

抵今撫甯縣地在前漢爲驪成臨渝二縣交界處東

漢爲臨渝晉以後爲陽樂隋唐以後爲石城遼徙石

城於灤州之南境聖宗於其故地置海陽遷民二縣

屬來州金仍其名而改屬瑞州以

國朝乾隆間旣分縣後言之則撫甯爲遼之海陽縣臨渝

爲遼之遷民縣

遼志遷民縣有箭筈山永平舊志云今石門寨茶盆諸山也臨渝縣志云

箭筈山距城西北七十里

至於驢城故地則當據碣石以定之

前志

云大碣石山在石北平郡驢成縣西南

東漢臨渝有碣石則知併入臨

渝矣魏志肥如有碣石則知隨臨渝以併入肥如矣

隋志盧龍有碣石則其地又入盧龍矣唐志石城有

碣石則知分盧龍以置石城而驢成又入石城矣

歐陽

忞輿地廣記云石城故驢成

今碣石雖屬昌黎縣正在撫甯縣西

南

括地志碣石在盧龍縣南二十三里方輿紀要碣石在昌黎縣西北二十里其餘有謂碣石在樂亭

縣西者有謂渝入於海者有謂在沙門島對岸者有謂在河間青縣者有謂在海豐縣北者皆與史不合

不可

與班志合

樊文心曰撫甯城東門額刻古驢城

雖歷代更置其疆

界所至不能無彼此出入而其大畧亦具於是矣

案臨渝漢縣也原以渝水得名字從水旁唐書之渝關時而從水時而從木字畫兩歧或由筆誤至遼初置榆州史稱本漢臨榆縣地而書渝作榆漢州下又云臨榆山峰巒峨起高千餘仞下臨渝河竟以臨渝爲臨榆則今臨榆縣之易水從木其來有漸矣明史地理志永平府撫甯縣注云本漢右北平驪城地東北有臨渝故城以臨渝山名舊有榆關洪武初改置山海關又云東有渝水自塞外流入書臨渝則從水書榆關則從木其誤亦不待辨洪稚存乾隆府廳州縣圖志云漢置臨渝縣在今錦州西界口外唐初於今灤州西北界改置臨渝縣爲平州治武德二年移州治盧龍七年省貞觀十五年復置萬歲通天二年改名石城遼又徙置以就鹽官宋宣和嘗賜名臨間尋入金復曰石城元初省入樂亭

國朝雍正三年復分樂亭撫甯置臨渝縣案此石城非漢之石城卽今之開平中屯衛志所謂衛在灤州西石城廢縣是也臨渝亦非漢之臨渝稚存因史志有臨渝改名石城並元初省石城入樂亭之文遂謂分樂

亭撫甯置臨渝縣殊誤蓋樂亭與撫甯不接壤也漢書地理志右北平郡統縣十六贊與石成驥成並置魏書陽樂下有併令支合資屬焉之文資疑是贊合亦併意師古曰資音才私反資去草爲資猶石成驥成之加土爲城也古人用字相逼往往如此又漢書右北平郡有字縣下注云榆水出東字從木旁與臨渝下之渝水是一是二亦難臆斷並附此以待考

山川

舜肇十有二州首隆封濬禹定千八百國先奠山川誠以懷珠韞玉爲貨財寶藏所由興被山帶河九邦國藩屏所由固豈徒布席巖前坐分猿鳥拏舟月下醉喚魚龍爲足暢遊釣之懷驗知仁之樂已哉撫甯北枕遼山南臨溟海洋河渝水派盡朝宗鵲峪鵬崖

勢皆出塞是以幅員既定聊分載以誌統峙之形吟詠所留並附記以助登臨之興志山川

天台山縣西南二十五里山寨險峻舊名碓臼崖下有雙泉寺嘉慶二十三年直督方公觀承於此建

行宮一所道光九年那制軍行文秋蘭差次面奉

上諭賞給直隸作爲修署之用招商拆賣遂廢

雙頂山縣西南四十里其陰爲松流河

銀洞峪縣西南四十里

兔耳山縣西十五里雙峯尖聳狀如兔耳絕頂有潭雲常覆之微徑曲屈盤折而登上平廣可容數萬人明洪武

七年知縣婁大方率屬吏士民常避難於此故其地至

今尙稱舊縣

趙端免耳山行

免耳兩峯爲撫邑靈鎮山麓有棲霞寺寺前有橋傳
爲唐尉遲鄂公所建歲久傾圯余於庚申秋承乏邑
事捐貲新之甲子夏五月忽爲暴雨衝頽冬初復有
修葺之舉載酒登山曷勝陵谷之感

因作免耳山行示同遊諸君子

免耳山高入雲雙峯插漢浮雲分驪城百雉與山接

捲簾長對青山色我令驪城已四載今漸蒼顏山不改

誰云好山不待人山靈生面今重新彩霞一徑紫香閣

紅泉百道天邊落憶昔公餘蠟屐來汲泉終日坐松齋

山水儘堪供吏隱簿書安得擾詩懷今年五月蚊龍怒

風霆夜撼山中樹花臺圯仄石橋頽不辨春風遊賞處

同遊爲山傷懷抱令未有言口先笑從來桑海如瞬息

何況免耳一卷石君不見山公酒醉習家池舉鞭真似

并州兒又不見杜公立石峴山上深谷爲陵徒悅悵令

今釀酒醉西風慚愧山公與杜公百年一日安足慮笑

策花驄
下山去

尖峯在兔耳山北峻拔有洞

羅漢峯在兔耳山南

邑人宋赫登羅漢峯詩云長林疊疊水灣灣溪畔
人家落照閒幾點烟螺看不定問人說是五峯山

黑鷹峪平房峪皆在兔耳山南聳秀深茂多果實者爲石

佛峪泉從佛頂上出下有井深黝不測祈雨多應

邑人徐廷璋邑侯趙公所禱靈應記云歲癸亥旱魃爲
虐邑侯趙公步禱郊壇雨澍而未遍我侯憂之六月望
復牒于本境城隍却與蓋冒暑行二十里取水於石佛
巖之龍潭齋宿禱舍是夕雷雨驟至明朝侯自山中還
聞城士庶相與歡迎于洋河之沿扶老攜弱坡野爲滿
侯亦載色載笑烝我髦士而慰之環老憊不能出因憶
前任譚侯曾取水於東北龍潭水至而雨傾猶以爲偶
然耳今我侯取西南龍潭之水水未至而雨已霑足夫

龍之爲靈昭昭也非獨靈於二公實二公之誠感有以致龍之靈也爰紀其歲月以志喜

大崇峪一名大蟲峪在石佛峪東南其石自片厚或數寸

或盈尺利於用自此南至黃柏峪爲昌黎界

盧峯縣西十五里舊置驛於此

七三山在尖峯之南逾河

背陰山在七王山北十里接盧龍界

熊山在背陰山北山舊有熊其陽白塔莊產金

巖家山在熊山北有水入松流河迤西爲盧龍之紅山

鐵佛頂在熊山東

楸子峪在熊山東

錘山一名滑子山縣西北十二里松流河逆流繞其下至

曹西莊入洋河

案畿輔志誤以爲二又訛錘爲韓

雕崖縣西北三十里在嚴家山北怪石直立東北面若刀

削可避兵

案鵬一作刀舊志兩出誤

祥霖頂在鵬崖西南五里峯不峻而時有雲氣覆之若輕霞冠日諺云祥霖雲作帽雲興三日田夫笑謂可占雨也

朝陽洞在縣西北四十五里青山口南巖腰高五尺深丈餘濶二丈餘洞壁滴水成池深不盈尺雨旱不溢不竭旁有廟已廢

茶芽山一名桃兒峪縣西北五十里頂有洞如盤水不盈
勺飲之不竭名聖水

栲栳山縣西北五十里

業固山縣北五里餘爲邑之入脈正龍

天馬山縣北二十里高聳秀拔如控馬首於雲際舊名馬
頭崖明隆慶初蒙古土蠻入犯邑人多避兵於此萬厯
中改今名絕頂鐫天馬行空四大字又有山河一覽海
天在目諸大字明戚繼光題廟前南向有石洞口不滿
三尺深遠無盡旁有桃源洞三大字山北懸崖有馬影
首入石縫中

明巡方御史傅光宅天馬山詩云倚劍登天馬冷然御
遠風乾坤雙眼外今古一杯中怪石懸疑墮晴濤望若

空烽烟清萬里

白日海雲紅

邑人宋赫天馬山詩云爲有懸崖跡因傳天馬名譬諸
磊落士一望氣崢嶸生死誰堪託羈棲自不平至今風
雨夕振鬣欲長鳴

青石山一名流濠峪在天馬山東北十里有石佛三尊

九華岩在天馬山東

八角山縣北二十里天馬山東

麻塔峪在天馬山西五里腰有洞深二丈餘廣半之其中

東北泉不盈勺久雨大旱如常

峯山嶺在馬頭山東北三十里張果老河源也出於溫泉

堡

滴水巖臺頭營西五里巖高千仞

半壁山縣北五十五里滴水崖西山如刀削有避兵舊寨
鵝鵠峪在半壁山北

偏頂山縣北四十里高插雲霄山腰平漫可耕號平臺
青陽山一名青山縣北五十五里偏頂山北上有塔後有
寺其下澗水清漣晴明至絕頂南海東關如在足下

撾角山在青陽山東

巖口山縣北五十里

黑龍頭在東勝寨北山前有無底石窟俗呼雲井望有雲

氣觸石而出三日內必大雨諺曰雲井兆雨

雲峯山縣東北五里

羊角山縣東北三十里形如羊角高峻而頂平上有避兵城土名南寨

塔子山縣東北三十五里頂有浮圖高二丈餘名女兒塔明隆慶元年土蠻入界嶺口殺掠萬計惟此山避兵千餘人獲全

猩猩峪臺頭營東三十里

鸚鵡洞在猩猩峪東北四里許鑿石爲門周以牆垣門鐫鸚鵡洞三字字徑一尺厯階數十級入門東有瓦屋三

極爲佳持所西有小洞約丈餘北去數武卽洞口約闊三丈餘高如瓦屋中設木龕供三教像

黃崖山縣東北五十里在猩猩峪北凡邊內之山盤礴於外者黃崖爲大高可十里半山有捨身崖深三四十丈崖旁石壁鑿佛像三尊徑僅容足爲望海寺

知縣趙端和王貞一明經黃崖山詩云木落郊原淡綠蕪山行處處見樵蘇好凌絕壁成高會敢視懸崖作畏途鳳闕遙瞻雲北護龍潭倒影日西晡
永懷萬乘登臨宴文教於今已誕敷

背牛頂縣北七十里山後有石如牛故名高峻秀拔必扳緣而登迤西其巔尤狹置梯十二層上有無梁殿雨時鋪雲萬里有如堆絮名兜綿世界東南山有石鼓從此

至暖泉歷冰塘峪至黑牛灣乃至梯下下半石梯六層
上半柏梯六層約有數十丈同治初僧一元重修傍有
鐵鎖二長者鐵鑲一百八十短者八十七梯盡乃入山
門殿宇已圯惟無梁殿尙存

遷安李成性遊背牛頂記云予自數年前訪奇勝於从
裔王子腴聞牛頂峭拔蒼翠撐空一柱萬山迴合環列
畫屏面臨滄海不辨波濤第如澹墨橫揮平滿無際遙
看巨舟似輕燕掠水點點堪疑至曉日將升紅雲乍起
晃作金光萬頃殊爲壯觀爾時便已神飛絕頂矣至辛
未秋杪偕王子來遊以九月十四日發白衣菴抵燕河
過臺頭入猩猩峪兩山夾道愈轉愈幽一水成蹊旋涉
旋行又三里許見瀑流一脈飛濤驟雪下注深潭水色
正綠方可半畝兩崖草樹紫翠蒼黃秋容如繪南壁磨
石一片鐫龍泉兩字後題缺一字村金樑書王子語予
曰此所謂龍潭也予曰此易所謂潛龍者歟夫龍駕霆
輶電霖雨寰區總於潛中得力人亦如之於斯笑懸犀

者爲多事矣出舊邊之外望山頭立石數片爲老君崖
轉折而北前渡一水懸崖在望下有山家壁鏤虎穴兩
字亦是金書穴深丈許今如勝國之社已成屋矣想閱
邊時虎畏定遠之窺故攜子去耳摩壁拂苔細辨上面
有七言一律後記萬曆戊子季春入日真定將軍帝鄉
望松徐道書迤邐行來山形漸窄景物亦漸幽水石鄰
鄰如象如馬如豕如龜成肥而色黑山石磊磊危者似
墮峭者似升眠者似臥立者似行賞心悅目應接不暇
不覺數里則至宏量寺寺乃背牛下院凡遊人至止爲
解裝休騎之所各換輕衣便屐攜杖逕出山後達望山
門縹緲空際亂石之下則有蒙泉涓涓始流是爲水源
至於觸石赴谷因物肖形或緩如帶或急如絃或直如
矢或轉如環行則爲瀨止則爲淵懸則爲瀑聚則爲潭
浴魚龍之窟宅費僕馬之盤旋嚙山露根漱石出骨偷
雲取影弄日流光風來面數月到心澄千態萬狀百折
不迴披蘿尋徑又三四里見石丈植立名將軍石此處
遙呼則上頭相應開闢下迎代負行李過此則漸逼山
麓聲不上達矣西望一嶺名爲砂鼻高可數里鳥道紆
迴俯躬差力歎足數四始造山崦其南爲歡喜嶺直北
則登山線路也石磴嵯峨僅同馬鬣飛梯三處勢似狽

攀後人繼前直視足底自崦口至山門可入十餘丈雖
稱陡絕石牢梯穩步步可攀只須定神除其恐怖則與
康莊無異梯窮之處斯入山門形如圭扇遊客到此恍
似升仙疑與世塵隔絕矣山門之上平臺短壘可以凭
眺松石引路俄到梵宮彩椽朱戶金相玉毫宛一極樂
小景其大致負山面海吞吐烟雲俯視羣山如丞如尉
若孫若子不可勝紀恍惚前聞猶未盡也因思高山路
峻尺木抔土皆從下來古昔上人成此傑構佳山之功
豈在開山後哉晚聽梵響清圓頓覺浮生無住熱腸欲
冷起行松下見涼月去人才隔數尺疎星低嶺舉手可
捫清狂欲仙曉峯升日晴暉滿簷不下禪榻而海山盡
在目屋後見方潭一碧雲樹倒影如現鏡中乃鑿成天
井以儲水者迨上一級地勢平微無梁殿內供望海觀
音有碣記參將谷成功造因話此中鉢香烏乞果熟猿
收靈羊聽經猛虎戢暴北植鯨音一架蒼蘚斑剝叩之
清遠石畔萬松插壁鐘路迤西百餘步則懸崖之下楊
然一洞中二丈許不甚平廣然背風抱日溫暖如春石
井居左翠柏參前右壁鏤海闊天高四字字如人大筆
勢蒼勁題參將林桐書復循舊路過偏坂斜穿松徑西
北里許始陟山巔分爲兩頂西頂稍高遙望都山積雪

如玉東頂有石如琳松株攢秀可以眠臥忽聞清聲響
至因悟杜工部詩萬壑樹聲滿殆謂是乎獨背牛古跡
無可覓處老衲或云三峯師聞牛鳴山後卽以名頂至
今山腳有牛象云想當然矣茲山深路僻又以險聞文
人墨士無太白之豪東坡之逸往往望而却步故山之
奇勝至今尙未發也予與人齋搜尋雲秘一紀勝遊好
事君子或將覽焉

沔陽余淮牛頂兜綿詩云牛崖雲霧起山半似兜綿泥
沌千峯合氤氲三輔聯流霞明絕頂靈雨足沙田高下
無多遑陰晴各一天

鷹窩洞在背牛頂山後深十餘丈寬二丈高丈餘有小井
二左壁鑄石洞煙霞四大字

大祖山卽老嶺縣東北百餘里爲境之祖山一名主山綿
亘邊外周圍五十餘里高二十里山勢極峻有大祖小

祖之分小祖東北屬臨太祖西南屬撫上有石城云是
昔人避兵處

大河峪縣東北五十里南距猩猩峪七里許小河峪在龍
潭南

雁崖縣東北五十里西距猩猩峪六里許其峯最高雁必
迴翔始度故名俗又名鷹不落

雞冠山縣東北四十五里近村無蜩

南天門山縣東北四十五里一名窟窿山南峭壁數丈斷
爲石磴崖半有白鶴巢

東茶盆山縣東北五十五里怪石奇峯其形如椅峻嶺環

之

西茶盆山縣東北五十里距東茶盆二十五里周圍崇山峻嶺山麓有藥王祠左有泉二其水下流五里入洋河中茶盆山縣東四十五里距東茶盆五里山半有砂嶺古刹在焉殿後危石壁立東谷名斗西谷名箕當以其形似名云

科名山縣東北四十五里在興盛峪莊南里許山形最秀上有三嶺高插雲表

屏風山在科名山南五里許宛肖圍屏

淘龍洞縣東北五十里在方家河東南石壁間山舊無洞

嘉慶間有村人黨姓牧羊於此見石壁有縫用棒杵之
忽石墜洞見門高五尺五寸濶六尺餘時天氣正晴僅
有片雲暴雨驟至次日土人以爲內有寶物入洞淘水
又暴雨如傾淘涸自洞門北行數步折而西約二十餘
步有石穴如盆土人用麻繩山葛蔓繫石沈之數十丈
深不見底每逢歲旱近洞諸村洵之輒應雨後以豕酬
之相傳洞有龍居故名

孤石峪尖峯秀出有溫泉可愈疾南流爲河一名和尚山
風洞在和尙山歲爲災居民祭焉

牡丹坡縣東北六十里其坡多牡丹

馬和尚洞在望海寺東里許高二尋廣仞餘

三石洞在牡丹坡西高二仞廣半之深二尋洞東水簾傾於石龜背下匯爲河將入關有溝在下故爲蛟窟蛟徙其窟沙壅或云沙下深不測與龜背洞通

香爐山在青山關外巔有石狀若香爐

十八盤嶺在界嶺口東十五里又東爲箭桿嶺極高行半日方上分道處爲雙岔股東抵碼礮嶺接臨榆界

邑宰張上餘丙子冬循視邊城由袁家溝度十八盤至香山卽事詩云浮巖未數里村鷄日將午卻怪窮谷中人氣於此聚沿緣數十家零落亦村塢丁男拾薪去老婦守門戶營爨炊一藜飢色上眉宇入門何所有屋角牽蘿補土銼藉草茵豆羹無半甌山田多惡歲輟耕皆棄土安得蕭白雲被寒成絮縷我聞感此言好語相慰

撫薄曰破蒼冥遙天雁聲苦我行西山口蹊徑已偏窄
及歷十八盤盤盤皆劣石高者如升梯低者如墜澤發
雪半在林敗葉亂溝積征馬盡躊躇往來惟鳥跡笑夫
汗如雨舍輿理屨屐十步須九憩徒御相扶掖長城隔
重嶺終古判華狔歷代置邊戍費盡萬夫戟因念盤之
中那有逃秦客空山少薇蕨所產松與柏蕭伐亦殆盡
誰起溝中瘠人家在何處鷄犬白雲隔適逢村女來登
壚一鞭策荒崖行欲盡坐觀萬物零香山有主人可以
爲居停老稚出門候爲我開柴扃短垣修且整四顧無
一鄰養樹得生意伐木時丁丁佳城占高壘雙瀾流清
冷松柏發古茂下有千歲苓我言山色好惟有君家青
人在藁黃上教子讀且耕臨別語主人慎勿輕一經

花果山在界嶺關外有洞道人築閣其中洞外懸泉萬派

至冬凝結如冰簾夏初始解

邑人宋赫將往花果山憩箭桿嶺禪刹詩云舊是屯兵
處今餘祇樹林碑殘憐字剝城仄逼山深草色依禪榻
秋風動客襟歡言得
所憩空翠落庭陰

將臺山縣東北七十里連界嶺關

吧喇嶺縣東北七十里嶺東屬臨西屬撫又東北十五里至無梁殿分界南十里至黃土峪分界

響山在主山東五里距城東北百里高數百仞形如邱墓峭壁滑石不生草木山半南向石洞相傳有比丘住焉常峙山響如崩裂

望天峪在主山西六里高接雲霄

猴兒石去望天峪里許以形似名

虎穴在舊邊外石壁鐫虎穴二字明戚南塘展邊虎徙去窟窿山在主山北十五里距縣東北一百五里其巔石壁

有門高丈餘寬五六尺東則石崖千仞下近駐操營臨榆界也

橫山縣東五里自縣東望橫截於前故名

臨榆山縣東二十里峯巒崛起舊時關隘峯高千仞下臨渝水一名馬頭坡

石佛頂在縣東北傳莊西里許距城二十里

文峯山在偏頂山南五里距城東三十里其形如筆故名
缸山縣東南十五里在龍門山北高百丈餘峭石崖從其狀如缸而頂極平坦上有古缸六不知始於何代今尚存其一相傳爲洪水時漂泊至此殊不足信

馮家山縣東南二十五里上有石紋成土彬二字晨則見之爲昌黎界山半有窟名聖水兩峯鵠立名對嘴崖南曰尖山形如龜北曰平山形如虎尖山南石上有二井俱深廣尺餘水一黃一白俗稱金水銀水平山下東西皆有洞東名天水窟高廣皆丈餘相傳與西洞相通中有水深不可測俗以爲海眼往往祈雨有應平山一名平頂山山半有石門鑄淩海巖三大字崇禎甲申春馮景運書又松峒別築四大字諸元壽書旁有石碾故老傳爲馮公屯兵之所

邑宰張上蘇尖山紀游詩云出郭三十里言尋好邱壑川原旣浩莽丹楓漸搖落特見尖山奇化工疑鬼削蕭

寺幽而敞先登最高閣魯公興不淺談鋒利如鏐史魚
正色坐孟嘉亦曠拓余與王子猷舉觥萬酬酢杯盤具
草草緩步臨峭嶠雖無千仞壁怪石爭巒峩雖無千尺
松嘉木蔭參錯或如龜背伏或如虎頭躍苔蘚石成文
隱約似雕鏤古洞入雲深十步九迴却云昔有道士於
此採藜藿二客不能從讓余騰芒屨龍泉聞更勝日已
西山薄諸生勞送迎人去禽鳥

樂昏黑抵城闕遙聽數聲柝

邑人王立柱和韻詩云高人超塵鞅雅志託邱壑攜客
登崆嶠放筆凌峩峩風晨飛車徒初日豁林薄行行三
十里撲眼來峭嶠古寺踞山麓金碧半凋落北陟文星
祠南繞魁篋閣壁尋虎頭畫碑詔郭香鑒東入半山樓
杯盤已參錯是時十月交原野飛蓬蒿酒力敵風威山
窗任開拓飭畢日未晡西上騰謝屐危途捫石稜險壁
立鐵錐巖洞勢危伏風松韻酬酢遊興迫短景誰與揮
戈却微月送歸輪巖城已宵柝茲遊隔二旬冥想尙忻
躍敬讀遊山篇未減棲霞樂下里廣陽春避席待剗削
自註云康熙中邑侯趙公端有神明之稱攜客遊棲霞
寺唱和諸詩具

載撫甯舊志

牛頭崖縣東南三十里聯峯山西形似牛頭海軍偵探戊
守往往駐泊於此卽牛頭崖營也

望海岡在牛頭崖東登此可以望海

聯峯山縣東南三十里俗名蓮蓬山淪水自其西入海東

有雙峯如對話者曰話石

今入臨淪縣

商邱宋攀海上雜詩云千里惟遊渚連峯不見山石林
開鳥道雲海對禪關濤泊牛頭響巖留話石閒秦碑淪
沒久鷗泛

自沙灣

錢塘趙景徠蓮蓬山觀海詩云驪城山勢臨盧龍塞垣
千里當要衝兩京拱峙咽喉通背枕浪渤開鴻濛濱海
有嶺號蓮蓬懸崖削就金芙蓉海光山勢相爭雄怒濤
隱隱凌太空我來登時秋正濃淵漭上下吹天風雙螭
初起馭祖融元氣磅礴涵蒼穹咫尺蜃樓變化中早潮
欲上雷隱隱登萊城郭煙霧隴三山何處求秦童祖龍

鞭石杳無蹤征遼遺蹟推唐宗張騫無復乘槎功采芝
徒羨安期翁俯仰今古誰復同入方吞吐露心胸酒酣
拔劍噴長虹光芒倒射蛟人宮安得
騎鯨直向淩波沖倏忽已抵扶桑東

紫荊山縣南三里下臨洋河有立石狀如婦人俗呼紫荊
石婆卽魏之新婦山也康熙十二年知縣譚琳建奎閣
於中峯

知縣譚琳九日登紫荊山詩云大觀已知是何必更高
峯秋色千峯淡海雲一望深移樽因愛菊落帽本無心
遠興攜佳客
狂呼萬島吟

知縣趙端登紫荊山奎閣詩云飛閣臨虛
壁千峯晚翠連振衣時一上秋氣淨長天

黃家山縣南八里其石天生榻塊可資民用

渝河縣東二十里源出口外古瑞州由宏量寺遶流入戴

家河匯歸於海漢書渝水首受白狼水東入塞外又有侯水北入渝疑卽此方輿紀要云渝河由古瑞州東南流至聯峯山西一名獅子河又曰蒲泥河

案府志舊載如是撫甯舊志但云渝水下流經聯峯山下入海不曰入戴家河至於獅子河但記其名源委皆不細書此郡志邑志之不同也今卽渝河下流之道名獅子河者訪之域東南二十里許柏新莊之西北有一巨浸中有鱗介老物雨集受正北泥河莊與北房莊東西溝之水卽亢旱之日水不外來恆自溢而東流徑柏新莊東折而南又徑張家莊東折至古城寺南徑李莊趙莊郝莊蒲藍大莊又東流至楊家莊東南流有大石橋一名蓮花蒲草橋實牛頭崖西郊之要路也自此以北曰蒲泥河以南則曰獅子河徑望海岡東南順流而下自河源至此數十餘里見獲蒲魚之利若以水田之法行之利或倍於蒲魚但惜土人不諳耳又東徑細河橋會戴家河由聯峯山南入海此渝水下流或曰蒲泥河或曰獅子河入海之大畧也今宏量寺無考而入海

之口猶昔就淪河下流上溯獅子河之源至柏新莊西北而絕案讀史方輿紀要云金大定時有兩石獅子河故名

陽河一名洋河在縣西里許源自界嶺口外裂垞山流經縣東南紫荊山下入海後西徙二里康熙二年復歸故道所徙之道遂湮又有分支在縣南二十五里由劉家莊遶流歸清河口入海

案洋河爲撫邑巨浸源之所出前志已詳今就其所自所入訪之邑西北境外有水自分水嶺來者東流徑常各莊南又有水自西北陽山來者與之會東流徑冉莊及燕河莊南之單各莊則倒流河入之又徑良仁諸莊至雞崖山跨周各莊而南則又有自北青山山口流入者與西來會流徑灣子嶺南至塔子會此里人所稱西洋河之水道也俗呼石河與臨榆石河異臺頭營東北有水自花果山來者西南流由背牛頂西徑賈家莊北

寨前繞流西至野各莊東又有水自李陽峪來者賣家河與之合繞流而西至營東之七各寨又有水自營北之峪門口來者西流徑三水頭莊北繞流而南此里人所稱東洋河之水道也至灣子嶺西與西水會而南其流遂大南流徑縣治西南繞紫荊

山麓東流至孟家莊西南入於海

又案洋河上流河灘寬濶不甚爲害及至黃家山崔鐵營北有西南山水入河會流昔爲南岸害康熙六年移石橋二鎮之卽邑志所云洋河古渡處也又東北有城東橫山以南諸村水入河會流下流之害或以膏壤付之波臣或以華屋歸之河伯蕩析離居地去糧存無所控告以至海下河灘兩岸莫不皆然岸東之萬家莊又南數里之桃園莊盧王莊岸北之北崖郝趙各莊民居皆塌去過半由是而束折卽郡志所載分支入海之道昔年木一小溝至道光年間決開兩岸村居大受其害於是數莊鳩工庀材立行堵塞今水口雖閉水道尙存郡志又云由劉各莊遠流歸清河口入海今訪分支故道實至卷子營東南會歸於河里中父老言此道本不通河皆因東河西塌沖斷此堤故分流之水至此入河由此南行至西河南莊北有向西南分流之道徑水月

莊歸清河口入海此仍前志分流入海之故道也河之
經流東折由東河南莊北東行又經港營莊南流合歸
至此潮逆波翻其流益大又南入海舊有分流水道東
岸經孟家莊西西岸經圈里莊東昔年皆爲入運之口
中有鹽灘一段今兩岸合爲一漕水道大開通船入運
爲利甚溥此泮水下流利病之形分支開閉之大畧也
又案舊志泮河發源於界嶺口外裂垞山其山已失考
不知何在今訪其源蓋不一焉一自界嶺口外東北二
十里老溝山名苗裔窰嶺此嶺水向東流者入臨榆邊
西流者入界嶺口一自界嶺口外正北地名界嶺此嶺
水向北流者經雙山入盧龍青龍河南流者入界嶺口
然此二水皆由散而聚並非出自湧泉流至界嶺口門
外會歸一處入邊一自箭杆嶺口外花果山上草窩舖
天井發源其井深不可測曾有採樵者以葛繫石投入
百餘丈猶未至底水由上而下飛濺沫入下龍潭流
徑箭杆嶺口三十里至西峪溝與界嶺口外所來二水
合又十五里至峪門口與東峪背牛頂東橫嶺下所來
之水合又十五里至南寨與程程峪龍潭所來之水合
名爲東泮河及流至臺頭營南茹各莊北與燕河
營東所來之水名爲西洋河者會歸大洋河入海

又案舊志芙蓉山舊名裂頭山在縣東九十里裂垵或卽裂頭之譌也

郡守德州盧見曾洋河築壩挑引河記云洋河發源塞外裂垵山由界嶺入口爲撫甯縣之東北境抵塔子山轉而南循兔耳山麓掠縣治之西繞紫荆以南入於海形家所謂隨龍水也康熙甲子河身東徙去縣治南數里乾隆丁卯水暴漲其自兔耳循麓而南者橫趨直東阻於古城之廢邱則別嚙土根以南下而震蕩及於西郊迨顧甲子河身又淤爲斷流矣郊故有明帥黃公惟正墓逼於河邑人不忘公之能軍以庇其先人也議遷墓以避之邑令錢君告於衆曰是固然矣然水且益迫亦將遷城以避之歟乃以發帑復故道爲請予檄遷安端木令勘之令故老於治河者也復予曰撫之患迫矣邑人請復故道是也而未知河也洋河冬春僅一帶水而夏秋霖雨則天馬半壁將臺諸山漲崩澎湃奔會乘建瓴之勢捲石如斗夾沙以行數十年來故道之壅於沙石者積爲阜壤復之費以萬計詳勘駁覆更歷歲月撫之患迫矣慮不及待且邑人憂黃公墓而不周視其上流亦未知河也河今循兔耳麓而南自故道壅爲阜壤橫流射北郊今資爲捍禦者獨古城之廢邱再衝嚙不

已必盡潰潰則北郊悉爲巨浸不但西也謂宜亟保古
城於其上流頂衝築壩障勿東乃因廢邱之勢築斜
長壩使大流不得直下折而西南若餘波之溢而東者
於黃公墓再築圓壩以障之壩之制編荆爲筐箱以巨
木護以椿實以灘石草泥用民力值三百金以上西北
兩郊無旦夕之患矣夫洋水之力固能捲石夾沙以行
者不得志於東必逞於西而西固水之故道也予曰普
親勘之端木君爲樹建標竿指畫形勢邑士大夫以及
耆民老匠環而觀聽者千人咸悅服無異議乃上圖議
於制府那公蘇圖具摺以聞制曰可錢君復請於予
曰三壩之制善矣顧更有道夫水就下者也古城以南
甲子河身之淤爲斷流者壅而高黃公墓之爲今河身
者刷而下河經兩壩捍導雖折而西南倘阻於斷流仍
泥而東則黃公之壩危矣謂宜亟挑引河於斜長壩尾
因大溜之折而西南開水道以納之於甲子中泓再於
斷流之淤開水道以達於老河兩引河總長二百一丈
上者寬十丈深五尺下者寬二丈深三尺其加費可數
計而收效若龜卜也予曰善再上共議復報可令首捐
百金邑人輸財趨事不啻謀其室家是役作於乾隆戊
辰三月庚子竣於四月壬午計費白金五百四十兩有

奇厯夏秋雨汛郊廬田墓無恙餘波之溢而東者此其
退舍沙不之壅如西故道邑人舉手加額咸謂今而後
莫子毒也已予惟茲役相度得勢之要使費省而功易
舉者江甯端木君長滋也同民之患周畫萬全悅以使
民民忘其勞者常熟錢君鎰也然徵我制府那公淵明
坐照任人勿疑二公又何由以勸其尺寸之長而奏厥
膚功也哉不可以無紀也乃從邑人之請爲文
以饒諸石並載襄事之衆於碑陰以垂不朽
趙朗洋河晚眺詩云飲馬洋河秋水渾綠灣遙
隔幾家村邊城九月無青草祇有斜陽似故園

沙河發源猩猩峪由榆關鎮西繞流入戴家河

案沙河之源有三一來自西北聶口莊北之山泉一來
自正北平市莊北之山泉二水流至榆關南小李莊北
合流爲一別有一源來自東北卽撫臨分縣之界河流
至小李莊東南高家店莊東與二水合流南入於海每
當夏雨連綿河水漲溢天光一霽水勢卽殺傍岸田疇
不至受害以近海故也河沙甚細近處居民每用以糞
田築牆是亦
水之一利云

賈家河發源花果山由箭杆嶺口外流入賈家莊南歸沙河

梁家灣河發源東峪由峪門口莊北繞流歸洋河

小紅河發源李陽峪北溝由野各莊東繞流歸洋河

倒流河一名飲馬河發源盧龍之展站莊至單各莊入境繞流由雕崖莊歸洋河

松流河縣西北十二里源出雙頂山銀洞峪由所各莊入石河倒流至滑子山後又北至黃家山諸澗水注之流徑背陰舖曹西莊東入洋河

界嶺河源出口外別坨山十八盤曲折彎環合關內黑谷

嶺關東勝寨北諸水由鹿角峪二十里入松流河此水

經注封大川水也

黑洋河海口在縣南

戴家河海口在縣東南四十里明時海運此爲積儲之地

案前志所載渝河水道今實難辨而郡志渝水下流第
曰爲蒲泥河爲瀾子河會戴家河由聯峯山南入海而
戴河之所由來概不爲載今就見在水道訪之縣之東
北有水從董莊北嶺來徑戴家山頭東南流西至大新
立莊南與北沙龍殿水會而西流徑小新立莊至窪里
莊南又與北沙龍殿水會而西流至香房莊南又有從
北至頂山泉眼溝東來之水徑鴨兒峪牛蹄寨南流同
繞出馬奔山後卽馬頭坡地從東而南至沙河莊西入
渝關河此渝河東條之水道也又西有三水自北蜂溝
嶺廟嶺米家峪來者繞流至車廠北三水合流東南下
徑龍腰莊東繞龍口甸莊後西南流又北有水自清泉
寺山郁家溝來者南繞周傳諸莊東至龍口甸合而東

南流至安莊溫莊南又有水從西北朝陽寺山口徑黃口莊東東新寨西流來者至五王莊西合而東南流至黃土坎莊前則儼然一大河矣此渝河西條之水道也東流至沙河莊西與馬奔山北繞流之諸水會而東南以下今所稱爲戴家河水徑北戴河莊西又有太和寨東西田水歸之南流與獅子河會至南戴河北聯峯山南入於海

教諭謝履南海市記云或問謝子曰海有市乎予曰市起於易郊云日中爲市蓋致民聚貨市之集也交易得所市之散也故樓觀城郭車旗傘蓋井甯人烟成市所有而翳焉海水鄉也茫茫無際混混無窮市安在耶語未竟吾君侯雷公在坐哂曰子未知其詳乎吾語子吾自萬歷癸未守茲土迄辛卯楊華望後公出松關曉眺東南南海碧連空朝瞰散彩赤光奪目秦島雄峙於前瀕津洶湧於後乃與邑幕魯子往觀焉旣而乘漁舟歷甘泉弔秦城已乃散步南行躋隴陟嶺見洪濤巨浪浴日吞天誠奇觀也良久東旋從者云金山海市矣遙指而望之隱隱然傘蓋三出山頗高又漸小漸高頃之蔑如也余方進飯前筭未微從復報曰海復市矣予往視一

如前觀無何金山徹蓮蓬聯絡數十里忽傘蓋忽旗幟
若浮圖若城郭殿閣春獸異狀百態變幻無窮俄兔耳
山前三山聳秀層巒疊嶺宛如筆架形即摩詰亦難繪
也自午迄申乃已竟莫究詰吾與魯子觴畢即詢諸士
老云不識此市可常見乎僉曰吾等垂白沒齒幸今一
覩噫若此者吾子以爲何如學博謝子德然自失乃前
謝曰南人不夢駝北人不夢象習使然也矧百年奇觀
豈吾輩所能與乎前所對誠妄矣時邑尉郭公在側乃
對予曰子未學古乎昔宋眉山氏守登萊詔還曰心慕
海市未獲一見乃禱於廣德王而見蓋至誠動山川鬼
故東坡詩曰異事驚倒百歲翁又曰自言正直動山鬼
不知造物哀龍鍾之句可驗矣謝子聞之色沾沾喜起
而歛容曰我公斯言至矣妙矣雖然蘇君還謫也必禱
而後見我侯從宰茲土政善民安神人胥悅以故神休
助順乃顯是奇觀也不待禱而立見矣君侯曰信如子
言吾何以當予曰蘭產於谷不能秘其馨玉韞於山弗
能隱其輝我侯謙謙卽予不誌亦必有誌之者郭君曰
善因觴謝子以酒既醉乃倚席而歌以述其盛曰碧海
東南隅茫茫逝水東其中何所見烟雲空復空一朝顯
神異驚駭百歲翁或言蜃氣結或言造物工妙奪天孫

巧誰談繪畫功我逢天人理咸應恒相通我侯有善政
至德動穹穹不數休徵出無煩禱祀崇我歌備採擇千
古真奇逢歌已曙色東
生因起而筆之如左

中桑水自馬司嶺西入口十里至王家莊三十里入洋河
此漢地理志之龍鮮水也

綠灣縣西北五里滑子山下松流河逆而環之灣中有蛙
不鳴

會稽單廷珪綠灣蛙靜詩云細細春水流
兩雨花點浴蛙吹絕無聲一灣芳草綠

臥龍灘在和尙洞東有池不竭

雙龍眼泉在黃崖望海寺東有二石穴冬夏不涸

龍潭在猩猩峪北深不可測上有瀑布每旱禱雨立應

雙龍池縣南八里

蛤子汀在縣東北窪裏莊距城四十五里長數十丈有二
泉大旱不涸有魚蝦之利口外楊樹窩堡有水亦名蛤
子汀距縣二百餘里

雙龍眼汀在窪裏莊野田中兩汀相近形如兩眼中間土
脈墳起又如鼻有兩孔水深丈餘魚多金色大旱禱雨
將龍眼泥滓淘挖不日卽雨